

Heinrich Dringenberg

**Programma Quo Rector Universitatis Rostochiensis Hinricus Dringenberg/ Phil. Moral. Profess. ...Ad exequias, Quas Filiolo suo tenerrimo desideratissimoq[ue] Joanni-Friderico von Gehren/ Parentes luctu ac dolore pleni, hodie Hora 1. paratum eunt, Omnium ordinum Cives Academicos studiose[ue] invitat : [P. P. sub Sigillo Rectoratus, die III. Ianuarii. Anno M. DC. LXV.]**

Rostochii: Kilius, [1665]

<http://purl.uni-rostock.de/rosdok/ppn777449218>


Druck Freier  Zugang




Dringenberg, H.,  
in J. F. v. Gehen.

Rostock. 1665.

39.











Uihodiè MATRI TERRÆ  
inferetur, tuus, VIR Amplissi-  
me, filiulus, necdum vivendo  
complêrat mensem. Adeoque  
quò concisor ei ætas contigit,  
eò minorem de sese scribendi  
imponit nobis vel difficultatem,  
vel materiem. Quid enim ope-  
rosi afferatur in eum, quem necdum vitia conspurcâ-  
rant, nec illustrârant virtutes. Sanè si nascendo fomi-  
tem statim peccatorum alere, aut mox ostendere ori-  
ginè, turpitude est aut de honestamentum (uti est o-  
mninò) universum terrarum orbem isthoc pacto ex-  
secreris; nemo enim non ita nascitur. Aut si per sa-  
crum isti negocio destinatum fontem renasci, pote-  
state inferorum exire, cæloq; mancipari, gloriosum  
est ac laudabile (uti est reverà) non omni id quidem  
homini commune fuerit, sed omni tamen Christiano:  
Cuiq; enim fidelium hæc altera per divinam gratiam,  
conceditur nativitas. Ut adeò Infantulus tuus nil præ-  
cæteris peculiare habuerit, propter quod vel vitupe-  
rari

rari posset, vel laudari mereretur. Hinc factitatum, uti commentationem funebrem, quæ tam sterilis argumenti foret, adeoq; angustis dicentem spaciis includeret, penè refugerim, certè animo in me susceperim minùs prompto lubentiq;. Cæterùm tu edulcavisti, AMICE, scriptionem mihi, utq; non prorsus inamæna videretur, eâ effecisti re, quæ &

--- per medios ire satellites,

Et perumpere amet saxa; potentior

Ictu fulmineo.

Quæ eadem longè faciliùs animos capiat mortalium, quàm hamus pisces; fortiùsq; eosdem attrahat, quàm magnes ferrum. Ergò cætero qui segnior futurus, jam hoc quasi incentivo aut calcari motus, currat calamus, Infantuloq; laudem, quam ex ipso non potest, aliundè, id est, ex *Majoribus* accersat, quorum tanta est fuitque semper dignitas atq; eminentia, uti cum præcipuis. Provinciæ Urbisq; familiis contendere de principatu, imò plerisq; præripere palmam possint. Et verò non minuta laus est, ex imio magnoq; ortu feri; pertinetq; ea utiq; gloria ad jam vitâ etiam functos. Patrem habuit JOANNES FRIDERICUS, quem sub ipsum statim initium compellabamus, VIRUM Clarissimum Consultissimũq; DN. REINHOLDUM von Gehren J.U.D. judiciiq; provincialis, uti & Ducalis Consistorii Advocatum eximium; Fautorem & Amicum nostrum singularem.



gularem. Matrem verò CATHARINAM *Meherz/*  
Fæminam, in quâ forma ac virtus sedem quasi suam,  
fixisse videantur. Avus paternus fuit Amplissimus &  
Excellentissimus VIR, DN. REINHOLDUS von  
*Gehren/* Jctus, initio Serenissimi Principis UDALRI-  
CI, Sverinensium Episcopi; deîn verò potentissimi  
Daniarum &c. &c. REGIS, CHRISTIANI IV.  
Confiliarius; hinc judicii Provincialis gravissimus Ad-  
fessor; tandem Urbis ac Reip. nostræ benemerentissi-  
mus Syndicus. Avia paterna extitit clarissimum Fæ-  
minarum decus ac ornamentum, AGNETA CLIN-  
GIA, DN. BARTHOLOMEI CLINGII, Jcti, Cel-  
fissimorumq; quondam *Mecklenburgi* Principum Con-  
filiarii intimi, quin ad L. annos Academiæ nostræ Pro-  
fessoris celeberrimi, filia. Proavus paternus fuit DN.  
ERHARDUS von *Gehren/* Senator olim Regiomon-  
tanus primarius: Proavia paterna, MARGARITA  
*Krohnen/* ipsa quoq; Fæmina ornatissima, DN. JOA-  
CHIMI *Krohnen/* Senatoris ac Camerarii apud nos  
præstantissimi, relicta filia. Quod ad lineam Mater-  
nam attinet, citatur inde Avus DN. GERHARDUS  
MEJERUS, Jctus, Vir Amplissimus, idēq; Confilia-  
rius Mecklenburgicus excellentissimus; Avia ANNA  
JUDELIA, sexus sui splendor; DN. ELIÆ JUDELII,  
Confiliarii itidem Mecklenb. gravissimi, filia. Proavus  
ex eadem porrò lineâ, ratione Avi, recensetur JOHAN

Miser/inter Negotiatores Lubecensium quondam  
princeps. Proavia MARIA KIRCHMANNIA, pari-  
ter præcipui apud Lubec. Negotiatoris filia. Respectu  
verò Avix̄ proavus fuit ELIAS JUDELIUS, Jctus,  
Celsissimorum quondam Principum Meckl. Confilia-  
rius claris. Proavia ANGELA Zancken/DN. MARCI  
Zancken/ Secretarii olim Wisuariensis, bellè promeri-  
ti, filia. Iste est sanguis, cui originem JOANNES de-  
bet FRIDERICUS, supra modum clarus ac præstans,  
Inde ei encomia; aliundè nec dum alia ulla. Sed quid,  
quod tanta tibi succubuerit spes tamen, aut in herbâ  
quasi extincta sit? Quo animo tam festinam habebis,  
PARENS, Filioli, sine dubio Patris Majorumq; si su-  
pervixisset, vestigia secuturi, necem? Credam equidè,  
satis tristi dolenteq; Sed audi, præter sacrum divinûq;  
codicem, quem sat studiosâ versavisti, scio, manu pa-  
riter menteque; audi, inquam, præter ista divina, ex  
Gentilibus sapientissimum SENECA, O Ignaros,  
dicentem, *quibus non mors, ut optimum inventum Natu-  
ra laudatur: quæ sive felicitatem includit, sive calamitatem  
repellit; sive satietatem aut lassitudinem Senis terminat; sive  
juvenile ævum, dum meliora sperantur, in flore deducit; sive  
pueritiam infantiamve ante duriores gradus revocat; omni-  
bus finis, multis remedium, quibusdam votum, de nullis  
melius merita, quàm de his, ad quos venit antè, quàm invo-  
caretur.* Hinc adeò intelligitur, parùm interesse inter  
illum,

illum, qui unum, & qui centum annos vixerit; nisi quod hic, quò ætate gravior, eò peccatorum quoque falce gravatus magis onustusque, Patribus suis adnumeretur. Luculentæ sapientiæ instar plerisque est Gentilibus, quod *Silenus* à *Midâ* captum, pro suâ emissione, referendæ gratiæ ergò, respondisse ferunt: *Non nasci, homini longè optimum esse; proximum autem, quamprimum mori.* Prius quidem illud omninò dignum erat, quod madido ore *Silenus* proferret, a finibusque auribus *Midâs* exciperet. Quomodo enim queat optimâ conditione esse, vel optimum quid habere, qui neq; sit, neq; fuerit? Quomodo melius sit nihil esse, quàm creaturam ratione instructam esse? *DEI* imaginem esse? Cæterum posterius minimè improbanus, tanquam rectè præclarèq; *Sileno* monitum; concinitque omninò pervulgarum illud *Menandri*: *ὁν θεοὶ φιλεῖσιν, ἀποθνήσκει νέε.* Certè non aliter cum vitâ nostrâ comparatum est, ac cum fluminum undis, quæ in oceanum devolvuntur: aliæ namq; neq; longâ, neque difficili viâ exitum inveniunt; aliæ verò, quæ propè fontes ipsos excipiuntur, & diu in itinere hærent, & è catarractis præcipitantur, & ambagibus atq; anfractibus exercentur: Non aliter in vitâ humanâ omnes *metam properamus ad unam.* Qui ab eâ longius absunt, iter sicut diurnum, ita quoque molestum, magis conficiunt, plures difficultates experiuntur, & majores

majores exantlant labores. Rectè profectò & præ-  
clarè iterum maximus SENECA: *Non est, ait, quòd  
quenquam propter canos aut rugas putes diu vixisse. Non  
ille diu vixit, sed diu fuit. Quid enim? illum putas mul-  
tum navigasse, quem seva tempestas à portu exceptum, huc  
& illuc tulit, ac viribus ventorum ex diverso furentium per  
eadem spacia in orbem egit? Non ille multum navigavit, sed  
multum jactatus est. Quemadmodum igitur pelago  
fortè isto tempestuoso fluctuans, & in portum quan-  
to cyùs secundis ventis delatus; aut veluri duro carcere  
clausus, ac inopino λύτρω redemptus, vel cancellis ruptis  
fractisq; liberatus, maximam felicitatis partem inde-  
ptus fuisse creditur; Sic quò citiùs quis in tuto vehi,  
aut corporei carceris vinculis exsolvi incipit, eò bea-  
tiori res ejus ac fortunatiori loco, jure meritoq; esse  
reputaveris. Atq; hac quidem ratione præcipitatum,  
AMICE, Filioli mortem feres, ex istoq; fonte me-  
dicinam luctui petes, atq; solatium. Quod de adem-  
tâ cætero qui magna tibi spe movebatur, id nec ipsum  
profectò tale est, uti ea propter indolere nimio perè,  
aut angì animo debeas. Enimverò habes, per DEI  
gratiam, quibus jacturam hanc quidem sarcias, super-  
stirantes Filios alios. Et prætereà, quùm ipse DEUS  
noluerit, uti in JOANNE FRIDERICO magnarum spè  
rerum figeres, morem, si pius es, qui es omninò, gere-  
rere debebis, divinamq; voluntatem pro tuâ utique  
habere ipsius.*

Cæte-

Cæterum, quum hac ipsâ die supremum exequiarum honorem exanimi ostensæ tantû prolis corpusculo præstare Parentes decreverint, nostrarum, utique jam partium, CIVES ACADEMICI, fuerit, frequentes in funere, quod primum hujus est anni solenne, comparere. Enimverò præcipuum humanitatis officium est, non negligere mortuos. Neç ea ipsa benivolentia, aut pietatis iste adfectus ullum alium, magis ordinem, quam vestrum decet. Itaque non detrectabitis, quæ vobis imponuntur, partes, sed munia potius vestra copiosè explebitis; lenituri vel eâ etiam ratione Parentum dolorem, & insuper, quam obsequiosi ac reverentes erga Magistratum sitis, reapse ostensuri.

P. P. sub Sigillo Rectoratus, die III. Januarii. Anno M. DC. LXV.

*Convenietur in Æde Marianâ,  
Horâ I.*














majores exantlant labores. R  
clarè iterum maximus SENECA  
quonquam propter canos aut rugas  
ille diu vixit, sed diu fuit. Quid  
tum navigasse, quem *seva tempesta*  
Et illuc tulit, ac viribus ventorum  
eadem spacia in orbem egit? Non il  
multum jactatus est. Quem ad  
fortè isto tempestuoso fluctuan  
tocyus secundis ventis delatus; a  
clausus, ac inopino *λύτρω* redemi  
fractisq; liberatus, maximam f  
ptus fuisse creditur; Sic quò  
aut corporei carceris vinculis e  
tiori res ejus ac fortunatiori loc  
reputaveris. Atq; hac quidem  
AMICE, Filioli mortem feres  
dicinam luctui petes, atq; solati  
tâ cætero qui magna tibi spe mo  
profectò tale est, uti ea propre  
aut angere animo debeas. Enim  
gratiam, quibus jacturam hanc  
stirantes Filios alios. Et præter  
noluerit, uti in JOANNE FRIDE  
rerum figeres, morem, si pius es  
rere debebis, divinamq; volunt  
habere ipsius.

estò & præ  
est, ait, quòd  
ixisse. Non  
putas mul  
ceptum, huc  
urentium per  
navigavit, sed  
itur pelago  
ortum quan  
uro carcere  
cellis ruptis  
artem inde  
n tuto vehi,  
pit, eò bea  
ritoq; esse  
ecipitatum,  
; fonte me  
od de adem.  
d nec ipsum  
nimioperè,  
es, per DEI  
cias, super  
ipse DEUS  
gnarum spè  
ninò, gere  
uà utique  
Cate-



the scale towards document